




2 Қўлигул чевар... йигит

Ўзим деган ўрдан
чиқолмас



3



Ўлмас Оллоберганов:
Ёмон қўшиқчидан
яхши тингловчи афзал

4

Либос — ўзимизга
мосми?

8



Ушбу сонда:

Огоҳлик ҳимоя кафолати бўлсин	2
Дилларга мос йилларга шукур	2
Жавназак мавсуми яқинлашмоқда	4
Капиталбанк: бир қадам илгари	6

Кимнинг елкаси бўлмайдими?	6
Улфати подондан келган бало	7
Жаҳон чемпиони ўзбек шахматчилигига тап берди!	8
Алимент қандай тўланади?	8

Абдулла ОРИПОВ,
Ўзбекистон Қаҳрамони, халқ шoirи

БАҲОР ХОСИЯТИ

Қарангки, баҳорнинг
вазифаси йўқ,
Бирор маҳкамадан
маош олмас у.
Унга кор қилади
на араз, на дўқ,
Сафарга чиқдимиди,
келмай қолмас у.

Юксак қасрларни
буркар чечакка,
Гадо кулбасини
безар саросар!
Эзгулик бобида
фақат у якка,
Фақат у барчага
тенг ва баробар.

Кўнгил даричасин
очиб қўйинг ланг,
Ғуссали дилда ҳам
кулади баҳор.
Умидвор инсонлар,
уни олқишланг,
Фақат хосиятли
бўлади баҳор!

"ОБУНА — 2011"

Якка
обуначиларга — 176,
Ташкилотларга — 177

Санъатимизнинг фидойи мухлисларидан бири билан суҳбатлашиб қолдик. У киши ўттиз йиллар олдин машҳур бир санъаткорнинг концертга тушганини мароқ билан гапириб берди. Ҳофиз ўн етти ашулани кетма-кет, бир мартаям дам олмасдан айтди, дея завқланиб ҳикоя қиларкан, одатда, бундай пайтда гурунчи одамлар лафзига янада қувват, зеб берадиган усулни қўллагим келди ва ҳозиргилар ҳам шундай айта олармикан, дея луқма ташлаб қўйдим. Э, буни бугунги "юлдуз"лардан сўрайсиз-да, деди у киши андак маҳзун оҳангда. Сўнг ўйланиб турди-да, «Уларнинг концертга тушмаганман, — деди. — Аммо айта оладиганлариям бор-ов. Ҳозир, эсладим, «Қурбон ўлам»ни куйлаган жингалак сочли йигит...» Ўлмас Оллоберганов, дедим. Ҳа, ана шу йигитнинг кўлидан келади. Нега десанг, у...



кониятларим ҳали тўла очилмаганини ҳис қилиб турардим...

Одатда, қобилиятли инсонлар ҳақида гапирилганда ёки ёзилганда, фалончи жуда истеъдодли, унинг ботинида фалон-фалон ишларни амалга ошириш кудратли яширинган, қабилида бир қатор бор-йўқ сифатлар санаб ташланади. Умуман,

Ўлмас Оллоберганов:

Ёмон қўшиқчидан яхши тингловчи афзал

бировнинг имкониятларини биров билиши мумкинми? Фикримча, инсон нимага қодир-у, нимага оҳиз — гоҳ онгли тарзда, гоҳ беихтиёр — ўзи сезади. Мана шу менинг кўлимдан келади, дейди агар қодирлигини ҳис этса. Аксинча бўлса, йўқ, эглай олмасам керак, дея қалбдан икдор бўлади. Бундай ҳолда уни мажбурлаш, йўқ, сен шуни қила олсан, дея илҳомлантиришга уринида руҳиятшунос-лқдан бохабарлар. Аслида эса, киши ўз иктидоридан олиб бирор ишда муваффақият қозониши душвор масала.

Ўлмас Оллоберганов — овози ва иктидорига ишонган йигит — ўзининг ҳали барча қирралари намоён бўлмаганини биларди. Бу ижодий безовталик унга тинчлик бермасди. Ўзингга ишонсан-у, ўзлингини намоён этишга қийналиб турасан. Бу — руҳий-ижодий жараён бўлиб, уни сабр ва босиқлик билан, оқилона босиб ўтолганларгина нималарнидир амалга ошира оладилар.

— Иштиёқ ва илҳом оғушида юрган кезларим менда бир фикр туғилди, — сўзидан давом этади ҳофиз. — Фузулий муҳаммаси билан айтиладиган «Қурбон ўлам» ашуласини ижро этишини ният қилдим. Бу қўшиқ кўп ҳофизларнинг имкониятини баҳолаб берадиган ашула экани боис, уни қуйлаб кўриш билан ўзимни синамокчи эдим. Бироқ мумтоз ашулаларни ижро этиш, ҳазрат Навоий таъбири билан айтганда, «Низомий панжасига панжа урмоқ» осон эмасди. Шунинг учун бу қўшиқни куйлаган мумтоз санъаткорларнинг барини тинглаб, ўрганиб чиқдим. Габриэл Муллақандов, Исоқ Каттаев, Изро Малаков, Абрам Толмасов каби санъаткорларнинг ижроларини тингладим, уларнинг ютуқлари қаерда, қай ерида янада муҳаммалликка эътибор бериш керак, шуларга диққат қилдим. Шундан сўнггина уни ижро этиш ва тасмага туширишга журъат эдим.

1995 йили магнит тасмасига муҳрланган бу қўшиқ тез орада радиотўлқинларда янгради.

Тинглаш ҳам санъат

— Уни тинглапти, буни тингламаяпти, деб бировни айблаб бўлмайди. Ҳар кимнинг таъби, диди ва савияси турлича. Аммо яхши, ҳақиқий санъат дурдоналарини, албатта, тинглаш керак, деб ҳисоблайман. Кўнглингизга олманг-у, сиз тенги ёшлар орасида миллий қўшиқларни эшитганда масхаралаб куладиганлар ҳам учрайди. Чунки бундайларнинг

ИСТЕЪДОД

қулқлари мақомга ёки миллий оҳангларга ўрганмаган.

Йигирма йиллар аввал ҳам бизда хориз музикасини ўғирлашган. Бунга мисоллар кўп. Лекин озорқ "инсоф", андиша билан қилинарди бу иш. Бугун чет эл музикасини очикдан-очик кўчириб, "ўзиники" қилиб олиш ҳоллари оддий ва одатий ҳолга айланиб улгурди. Биров гапирмай ҳам қўйган, гўё шундай бўлиши табиийдек. Қаранг, бизда қанча ижро йўналишлари, мактаблари, анъаналари бор! Фарғона-Тошкент, Бухоро-Самарқанд, Хоразм, Сурхондарё йўналишлари бир-бирига ўхшамайди, ҳар бирининг ўз таровати, гўзал жиҳатлари, оҳанги бор. Ахир, қайси халқнинг музикасида учрайди бундай бойлик? Мен сира қарши эмасман, хориз санъатининг энг яхши жиҳатларини ўрганиб, ундан илҳомланиш билан санъаткор фақат ютади. Бироқ изланиш, ижод қилиш ўрнига шундоқ "копия" кўчириш санъатни ҳам, мухлисини ҳам ҳурмат қилмаслик деб биламан. Хо-

рижликлардан олиш эмас, уларга ўзбек ноҳасини, оҳангини, қочиримларини намоён этишимиз керак. Менинг санъатдаги фалсафам шу.

Санъатдан устун қадрият

— Санъаткор элининг хизматида бўлиб, баъзи нарсаларга вақт ажратолмай қолиши мумкин. Лекин бу оила, яқинлар, дўсту ёронлар учун вақт ажратмасликка имтиёз бермайди. Ҳаётда шундай қадриятлар борки, улларнинг олдида санъат, на бошқа нарса биринчи даражага чиқолмайди. Шулардан бири — фарзандлар тарбияси.

Катта ўғлимнинг исми Рустам. Успенский номидаги республика махсус музика лицейида ўқийди. Унга ҳам, сингисли Мохинур билан укаси Усмонга ҳам — Сизлар, албатта, санъаткор бўлишларинг керак! демайман. Бироқ уллар ўзларга ўрганадиган кўп илмлар қатори, албатта, музика илмидан хабардор бўлишлари шарт. Санъатни чуқур идрок этадиган, ҳис қиладиган бўлишлари, яхши қўшиқ билан ёмон қўшиқнинг, оригинал куй билан ўғирланганининг фарқини билишлари керак. Уларга «Санъаткор бўлмасаларинг ҳам, лекин юқори савияли тингловчи, чин санъатнинг мухлиси бўлинглар», дейман. Санъатга меҳр қўйган одамнинг юраги яхшиликларга макон бўлади.

Бу йилдан умидлар бисёр

— Сизга бир сирни оча қолай. Бу йилдаги энг катта мақсадимиз — концерт қўйиш. Аслида, буни уч йилдан бери мақсад қиламиз, режалаштирамиз, амалга ошмай қолади. Тагин режалаштира-миз, бўлмай қолади. Ҳомий топишда озорқ омадими келмай турибди, ростини айтсам. Лекин бу йил жиддийроқ қуришяпмиз. Насиб этса, мухлисларни хурсанд қилиш ниятимиз бор...

Кўнглинг яхшиликка тўлиғ, назифа орзулар, холис ниятлар ила яшасанг, бир эмас, иккита Жамолунгма ҳам чўт бўлмай қолади. Фақат уни қачон забт этишингни мухтарам Вақтнинг ўзи кўрсатади. Вақт эса, бизнинг ҳукмидагидек нарса эмас... Чўққилар, марралар, зафарлар нима дегани? Булар иккиламчи, нисбий нарсалар, ўзи. Бироқ модомики, нимагадир интиқиб, интиқиб яшар эканмиз, бу интиқилар ва интиқилар руҳимизга қандайдир хуш, ёқимли туйғуларни солиб туради. Бизни мудом олдинга бошлайдиган куч ҳам, аслида, мана шу.

Элмурод НИШОНОВ



МУСИКА — бу сўз юнонча "музика" сўзидан олинган бўлиб, унинг туб илдизи "музалар санъати" деган маънони келтирдиган. "Муза" — юнон мифологиясидаги шеърят, санъат ва фан ҳомийлари саналган 9 маъбуднинг умумий номи бўлган. Тилимизда ишлатиладиган "музей" сўзининг ҳам туб илдизи шунга бориб тақалади ва у "музалар ибодатхонаси" деган маънони англатган. Хуллас, музика сўзи бугунги кунда "инсон ҳиссий кечинмаларини, фикрлари, тасаввурларини музикавий товушлар изчиллиги ёки мажмуи воситасида ифода эттирувчи санъат тури" маъносини англатади.

МАШШОҚ — тилимизда "уста чолғувчи", "халқ чолғу асбобларида музика асбоби чалувчи созанда" маъноларини ифодайдиган бу сўзнинг туб илдизи "машқ қилдирувчи" деган маънони англатади.

Барот полвон "додҳоқ келибди, шекили", деб самовар томонга қараган эди, дутор, танбур, гижоқ, най, доира кўтариб келадиган машшоқларга кўзи тушди.

Мирзакалон Исмоилий

ИНТЕРНЕТ — туб илдизи "тўр, ўргимчак тўри" деган маънони билдирадиган бу сўз умумжаҳон компьютер тармоғи, ҳар қандай ахборотни ўзаро алмаша оладиган катта миқдордаги компьютерлар мажмуини ифода этади.

ЖАВПАЗАК — бу сўз "эрта пишар, чиллаки" маъноларини англатади. "Жавпазак" сўзи шеваларимизда ҳам, адабий асарларимизда ҳам, халқ оғзаки ижодида ҳам ишлатилиб келинади. Бу сўзнинг "жабазак" шакли ҳам бор.

Афандининг бир туп жавпазак ўриги бор эди.

"Латифалар"дан

Кимсасиз бир боққа кириб, ярим дўппи жавпазак песа териб чикдим.

Абдулла Қаҳҳор

ЗИЖ — астрономик жадвал маъносини англатадиган "зиж" сўзи куёш, ой ва бошқа йирик сайёраларнинг юлдузлараро ҳаракатини, уларнинг самодгаги вазиятини кўрсатувчи жадвални ифода этади. Мирзо Улуғбекнинг астрономик жадвали ҳам "Зиж Кўрагоний" номи билан машҳур бўлган.

Улуғбек зиж дунё миқёсида жуда катта аҳамиятга эга бўлган муҳим кашфиёт эди.


Газетадан

СЕПОЯ — тўғон, дамба қуришда, дарё ва анҳорларнинг қирғоқларини сув ювиб кетишидан сақлашда ишлатиладиган, уч ходани учбурчак шаклда бир-бирига маҳкамлаб, поялар ораси харсангтош ва бошқа материаллар билан тўлғизиладиган мослама "сепоя" деб аталади, унинг туб илдизи "уч пояли, уч оёқли" деган маънони билдиради.

Кўприк хийла узун бўлганидан уч-тўрт жойида тагидан қўйилган зўр сепоя тиргақлари бор эди.

Пиримкул Қодиров

Эшқобил ШУКУР тайёрлади.



САМАРҚАНД ВИЛОЯТИ НУРОБОД ТУМАНИДАГИ “ҲАКИМ БОБО”

фермер хўжалиги жамоаси

Шарқ халқларининг энг қадрли ва қадимий айёми — Наврўзи олам билан барча ватандошларимизни, шунингдек, айнан мустақиллик йилларида мамлакатимиз иқтисодиётида, жумладан, қишлоқ хўжалиги соҳасида етакчи кучга айланиб бораётган фермерларимизни чин дилдан табриклайди!

2011 — “Кичик бизнес ва хусусий тадбиркорлик йили”да ҳам биз — фермер ва деҳқонлар халқимиз дастурхонининг тўкин, қут-баракали бўлиши йўлида ўз ҳиссамизни қўшаверамиз.

ЙИЛБОШИ МУБОРАК БЎЛСИН!

Қорақалпоғистон Республикаси “Маҳалла” жамғармаси ТЎРТКЎЛ ТУМАН БЎЛИНМАСИ ЖАМОАСИ



барча юртдошларимизни қутлуг Наврўзи олам билан чин дилдан табриклайди!

Озод ва обод Ватанимизнинг янада гуллаб-яшнаши, халқимизнинг тинчлик ва осойишталикни тавҳинлаш, оилалар мустақамлиги йўлида ҳизмат қилаётган маҳалла фаолларини ҳам ушбу муборак айём билан саримий муборакбод этамиз.

Наврўзингиз қутлуг бўлсин, азизлар!



ТЎРТКЎЛ ШАҲРИДАГИ “SUPERMIX REAL” МАСЪУЛИЯТИ ЧЕКЛАНГАН ЖАМИЯТИ ЖАМОАСИ

ўлкамизда фаолият юритаётган кичик бизнес эгалари ва хусусий тадбиркорларни кириб келган уйғониш, янгиланиш фасли — Наврўз байрами билан қутлайди!



Жаннатмонанд юртимизда тинчлик ва осойишталик, тўкинлик, фаровонлик ҳамisha барқарор бўлсин. 2011 — “Кичик бизнес ва хусусий тадбиркорлик йили” ҳам мамлакатимиз аҳли учун хайр-барака, ризқ-насиба улашсин!

Байрамингиз муборак бўлсин, муҳтарам юртдошлар!



«ZENN-SHANS»

ИЛМИЙ ЎҚУВ
МАРКАЗИ

Абитуриентларни олий ўқув юртига кириш учун қуйидаги фанлар бўйича тайёрлайди: кимё, биология, она тили ва адабиёти, математика, физика, инглиз тили, тарих, рус, немис тили. Машгулотларни фан докторлари, фан номзодлари ва дарсликлар муаллифлари олиб борадилар.

Марказ дарсларнинг юқори даражали сифатига қафолат беради.

Назарий ва амалий машгулотлар махсус чуқурлаштирилган дастурлар асосида ҳамда «Ахборотнома»лар, имтиҳон вариантлари бўйича ўтказилади. Ҳар бир фан ҳафтага 3 марта 2 соатдан дарс жадвалига киритилади. Марказдан барча зарур дарслик ва ахборотномаларни сотиб олиш мумкин.

Машгулотлар сентябрь ойидан бошлаб 1 августгача 11 ой давом этади. Дарслар ўзбек ва рус тилларида олиб борилади.

Охирги беш йилликда абитуриентларимиз 85-90% ўқишга қабул қилиндилар.

Натижалар билан марказда танишиш мумкин. Шунингдек, ушбу илмий ўқув марказида рус ва инглиз тилини ўрганиш курслари ҳам бор.

МАНЗИЛ: Тошкент шаҳри, Юнусобод тумани, 2-мавзе, 14-а уй (9 қаватли бинонинг 1-қавати).
Мўлжал: Юнусобод «Универсам» бекати, «Юнусобод» бозори қаршида. «Уктамбанк» ёнида.
ТЕЛЕФОНЛАР: 8(371) 221-35-56, 221-86-09.

«ЎКТАМХОН-НУР» ЎҚУВ МАРКАЗИ

қуйидаги ўқув курсларга таклиф этади:

Тикувчилик — 3 ой, бошловчилар — 6 ой.
Тўй ва оқшом либослари — 1-2 ой.
Аёллар костюм-шимми, плацц-пальто — 1-2 ой.
Хамшира — 6 ой, 4 ойи ўқиш.
Хамшира (тезкор) — 3 ой.
Тиббий массааж — 2 ой. Нуктали — 1 ой.
Торт ва пишириқлар — 2 ой.
Пишириқлар олий курси — 1 ой.
Уйғурча тасмалар ва салатлар — 1 ой.
Аёллар сартарошлиги — 3 ой.
Педикюр, маникюр — 1 ой.
Сартарошлик — 3 ой.
Тўй ва оқшом турмаклари ва макияж — 1 ой.
Бухгалтерия ҳисоби — 3 ой.
Элита ларда ва чойшаблар тикиш олий курси — 1 ой.
Сартарошлик — 2-3 ой (ўғил болалар учун).
Каштачилик — 3 ой (машинада вышивка).
Тўқувчилик — 2 ой.
Инглиз тили — 3 ой, бошловчилар — 6 ой.
Рус тили — 3 ой, бошловчилар — 6 ой.

Бисер, яъни мунчоқ тикиш — 2 ой.
Сунъий гул ясаш — 1-2 ой.
Компьютер сабоқлари — 2 ой Интернет — 1 ой

Арабча ва миллий рақс — 3 ой.
Барчаси амалиёти билан
Етоқхона мавжуд

**Ўқишни тугатганларга
ДИПЛОМ берилади.**

Манзил: Тошкент шаҳри Юнусобод тумани 3-мавзе, 1-уй, 31-хона. Мўлжал: Юнусобод бозори орқасида.

Тел: (8 371) 221-17-95, 221-77-72 (18⁰⁰), 225-97-93 18⁰⁰ дан 22⁰⁰

гача.
Филиал
Манзил: Ҳамза тумани Фарғона йўли кўчаси, Қўйлик, 4-уй 40-хона. Тел: (+99897) 785-90-30 (кундузи)

КАПИТАЛБАНК

Мамлакатимизда амалга оширилаётган иқтисодий ислохотлар натижасида кенг миқёсдаги бунёдкорлик ишлари олиб борилмоқда. Айниқса, иқтисодиётнинг турли тармоқларини ривожлантириш дастурларини амалга татбиқ этиш ўзининг муносиб самараларини бермоқда. Ҳозирги кунда банк тизимини ривожлантириш ва қўллаб-қувватлашга республикамизда катта эътибор берилаяётганлиги туфайли сезиларли

Ҳозирги вақтда «Капиталбанк» ОАТБ миқозларга кредит ресурсларидан фойдаланишнинг бошқа қатор усулларини ҳам тақдим этмоқда. Яъни, янги технологик ускуналар харид қилиш, айланма маблағларини тўлдириш, хомашё маҳсулотлари, савдо жиҳозларини сотиб олиш ва миқозларнинг бошқа сарф-харажатларини молиялаштириш орқали бизнес ҳажмини кенгайтиришга кенг имкониятлар яратилмоқда.

«КАПИТАЛБАНК»:

АСОСИЙ МАҚСАДИМИЗ — ЮРТ РАВНАҚИ

юксалишлар кўзга ташланаяпти. Ана шундай молия муассасаларидан бири «Капиталбанк» очик акционерлик тижорат банки республикамизда ўзига хос салоҳиятга эга бўлган банклардан бири саналади.

Банк ўз фаолияти давомида республика иқтисодиётининг реал секторига хизмат кўрсатишга алоҳида эътибор қаратиб келмоқда. Тадбиркорлик субъектларига турли хилдаги кредитлар ажратиш орқали кичик бизнес ва хусусий тадбиркорликни ривожлантириш ҳамда қўллаб-қувватлашга ўз ҳиссасини қўшмоқда.

Маълумки, юртимизда мулкдорлар синфи шакллантирилаётгани ўз навбатида фуқаролик жамиятининг таянчи ва республика иқтисодиётининг барқарор ривожланишининг асосий гаровидир. Мазкур соҳа вакиллари аҳоли эҳтиёжини қондириш билан бирга, фаровонлигимиз тимсоли саналган бозорларимизни ҳам турли хилдаги истеъмол маҳсулотлари ва хизматлари билан таъминлайдилар. Мамлакатимизда иқтисодиётнинг ушбу секторини ривожлантириш дастури давлат томонидан тадбиркорларни ҳар тарафлама қўллаб-қувватлаш ҳамда аҳолининг кенг қатламлари иштирокидаги ташаббускор, бунёдкор бозор муносабатлари асосида амалга оширилмоқда.

Ўтган 2010 йил давомида «Капиталбанк» томонидан кичик бизнес ва хусусий тадбиркорлик субъектларига жами 46 миллиард сўмдан ортиқ кредит маблағлари ажратилганлиги фикримиз исботидир. Жумладан, санаот ва ишлаб чиқариш тармоғига 18,8 млрд сўм, савдо воситачилик тармоғига 13,9 млрд сўм, маиший хизмат кўрсатиш соҳасига 5,3 млрд сўм ва 8 млрд сўмдан ортиқ кредит маблағлари эса бошқа тармоқ корхоналарига берилди. Энг асосийси, банкимиз томонидан ушбу лойиҳаларни молиялаштириш натижасида 258 та янги иш ўринлари яратилди.



Мисол тариқасида «ELIT - POLIMER» МЧЖ шаклидаги қўшма корхонасига кредит бериш жараёнини олайлик: 2010 йилда банк томонидан ушбу корхонага 1,462 млн сўм миқдордаги кредит маблағлари ишлаб чиқаришни йўлга қўйиш ҳамда жиҳозлар, пресс-формалар, эҳтиёт қисмлар сотиб олиш учун ажратилган эди. Корхонанинг асосий фаолияти иссиқ, совуқ сув таъминоти тизими учун мўлжалланган ҳамда канализация қувурларини ишлаб чиқаришга йўналтирилган. Ушбу қувурлар Ўзбекистоннинг йirik истеъмолчилари учун улгуржи шаклда ва Тошкент шаҳри ҳамда республиканинг бошқа ҳудудларида жойлашган фирма дўконлари тармоқлари орқали чакана шаклда сотилади. Албатта, бунёдкорлик соҳасининг тезкор суръатларда ривожланаётгани қурилиш моллари ишлаб чиқариш ҳажмининг доимий ўсишини талаб қилади. Бундан ташқари, республика иқтисодиёти ривожланишининг истиқболли йўналишларидан бири — бу импортнинг ўрнини босувчи ва экспортга мўлжалланган маҳсулотлар ишлаб чиқариш ҳамда мамлакатимиз истеъмолчиларини юқори сифатли маҳсулотлар билан таъминлаш ҳисобланади. Шу маънода «ELIT-POLIMER» корхонаси бугунги кунда қурилиш молларини ишлаб чиқариш соҳасида барқарор ривожланаётган корхоналардан биридир. Мазкур корхона томонидан иш-

лаб чиқарилаётган маҳсулотларга талаб ҳам йил сайин ортиб бормоқда.

«ELIT-POLIMER» МЧЖ қўшма корхонаси томонидан ишлаб чиқарилаётган қувурлар капитал қурилиш ва капитал таъминот талаб этиладиган объектларда иситиш, сув таъминоти ва канализация тизимини ўрнатишда кенг фойдаланилади. Корхона ишлаб чиқараётган маҳсулот Тошкент шаҳри ва республиканинг бошқа ҳудудларида жойлашган «MIROB» номили ўз тармоқ дўконлари орқали сотилади.

«ELIT POLIMER» МЧЖ қўшма корхонаси экспортга мўлжалланган ва импорт қилинувчи маҳсулотларнинг ўрнини боса оладиган маҳсулот ишлаб чиқарувчи чет эл инвестицияларига эга ва ўзи маҳсулотини ўзи экспорт қилувчи ишлаб чиқариш корхонаси ҳисобланади.

Бундан ташқари, банк томонидан маҳаллий озиқ-овқат ва бошқа турдаги маҳсулотлар ишлаб чиқаришни ривожлантиришга йўналтирилган Ўзбекистон Республикаси Президентининг фармон ва қарорлар ижросини таъминлаш борасида ҳам кенг қўламдаги ишлар амалга оширилди. Натижада 2010 йил давомида банкимиз озиқ-овқат маҳсулотлари ишлаб чиқарувчи корхоналарга 7,8 млрд сўм миқдорда кредит маблағлари ажратди. Шунингдек, бошқа турдаги маҳсулотларни ишлаб чиқарувчи корхоналарга 16,7 млрд сўм миқдорда кредит маблағлари ажратилган бўлиб, улардан 1,8 млрд сўми технологик ускуналарни сотиб олиш, 544,4 миллион сўми лизинг хизматларини кўрсатиш ва 14,4 млрд сўми ноозиқ-овқат маҳсулотларини ишлаб чиқариш учун зарур бўлган хом-ашёларни сотиб олишга йўналтирилган эди.

«Капиталбанк»нинг кредит маблағларини янада кенгайтириш мақсадида ходимларимиз томонидан миқозларнинг кредит олиш билан боғлиқ эҳтиёжларини ўз вақтида тезкор суръатда қондириш учун барча чора-тадбирлар кўрилмоқда. Бу борада банк ҳузуридаги кредит бўлими томонидан миқозлар ўртасида ҳар тарафлама тарғибот-тушунтириш ишлари олиб борилмоқда ва нафақат бош офисимизда, балки банкнинг жойлардаги филиалларида ҳам малакали ходимлар томонидан сифатли банк хизматлари кўрсатилмоқда.

2011 йилда «Капиталбанк»нинг устувор вазифаси миқозлар базасини янада кенгайтириш, жумладан, иқтисодиётнинг реал секторига кредит олишга эҳтиёжи бор миқозларни жалб қилишга қаратилади. Бу йўналишда ҳукуратимиз томонидан 2011 йил учун белгиланган иқтисодиётни ҳар томонлама ривожлантиришга қаратилган дастур ва вазифаларни оғишмай амалга оширишга ўз ҳиссамизни қўшамиз. Ва табиийки, асосий эътибор кичик бизнес ва хусусий тадбиркорлик соҳасини кредит билан таъминлашга қаратилади.

«Капиталбанк»
матбуот хизмати (t)

БОҚИЙ МЕРОС

Ўзбек нима дейди?

Фалокатнинг онийлиги хусусида:
Кош билан киприк (қовоқ) орасида...

Қулоққа жойлаш, мудом ёдда тутиш даъвати:
Қулоғингга кўрғошиндек қуюлсин...

У қулоғингдан кириб, бунисидан чиқиб кетмасин...
Қулоғингга сирга қилиб тақиб ол (қиз болага)...

Қариндоши, таниши, шогирдини укувсиз бўлса-да, суяб юрган одамга:
Қулоғидан тортиб юрибди...

Ўринсиз ғурур, назокатсизлик ҳолати ҳақида:
Бўйни йўғон (одам)...

Йигит ори топталмаслиги, сўзи қайтмаслиги даъвати:
Йигитнинг сазаси ўлғунча, ҳўкизнинг бўйни узилсин...

Хушомадгўй, шумшук одам танқидига:
Елкаси йўқ...

Қаттиқ бешиш, қайта йўлиқмаслик мақсадида:
Елкаминг чуқури кўрсин...

Домангирлик ҳолатида:
Ёқасига ёпиши. Ёқасидан олди...

Орқайинлик, ортидаги одамга ишонмоқ:
Ишонганига орқа қилди...

Димоғдор, гердайган одамга:
Бурнига нарвон етмайди...
Бурни кўтарилган...

Кўрқиб, чўчиб кетганда:
Лабига учук чиқди (тошди)...

Зўрма-зўраки кулганда:
Тишининг оқини кўрсатди...

Тансиқ сақланган нарсага нисбатан:
Тишининг ковагида сақлайди...

Норозилик ифодаси:
Қовоқ-тумшук қилди...

Қўлга тушган одам ёки хайвонга:
Тумшугидан илинди...

Қабул қилмаслик, ҳайдаш ифодаси:
Кўкрагидан итарди...

Қадр-қимматнинг топталиши:
Қорнимгамас, қадримга йиглайман...

Бориға тан бериш, ўзгандан домангир бўлмаслик ҳақида:
Афтинг қийишқ бўлса, ойнадан ўпкалама...

Ориятли, номусли йигитларга:
Белида белбоғи бор...

(Давоми бор.)

Маҳмуд САТТОР
тайёрлади.

